

Bè wàri dùi pátíri Kirisi kɔbe bèè tu Ebedeebe Di mpátíri tɔ tùi náaṅtì

Bè wàri Ebedee kó dipátíri Kirisi kɔbe t̄rè mayè nyè yèè do ta meháárìmè kéndó kédootóo metákùmè, wèè bè wàri dipátíri kòò nyáúkùnkò be k̄nti ke tú bè nt̄ĩ, ké nyé ke dò ndèè do dɔari metaummè kótímè mièke onìti kó medeetímè kpéi, Kirisi de ndòò nè o kũũ mmieke.

Ebedeebe kó dipátíri náá nke ìkú yetannò yètãati ndi yèè tu:

1. Yesu Kuyie mBire kékùnnemè omáà ke yie nho cice kpeti ke f̄ũté mediè. Yesu deunèmu Kuyie mpãñáaṅtì náambè nè Kuyie nt̄õrè.
2. Kuyie nnákémè ke tú Yesu weè tu ikuó nìtì diewè.
3. Yesu kó mukũũ mmuù te kòo nìti na ke pèté medeetímè iwũḽ kó mufèù do í na ke duómmè onìti.

De kó dipátíri kó dikéè didèri mièke kòo yáúkùnnè Ebedeebe k̄nti kè bè bo nwéèrì ke nfííkú Kirisi kó kuce mièke kéndònnè dimònni kɔbe bèè do t̄ã Kuyie. Kòo ntiè nKirisi kɔbe ke tú bè nfííkú kéntã nkétuɔkenè kumàнку.

Di mpátíri náaṅtì dúú ke dòmmè

1. Yemòrè sonye yiè mmieke Kuyie nti benke kumáà nè ku Bire Yesu borè nde 1:1-3
2. Kirisi p̄ētémè demou 1:4-10:18
3. Metákùmè 10:19-13:17
4. Mudoummu 13:18-25

Kuyie nti náánnè ku Birε nùù miεke nke

¹ Kuyie ndo náánnè ti yembè nè ku pããnáàntì náámbè nè miεke nke kuce mēpéu, nè meborime péu miεke. ² Yemòrè sonye yie mmieke kè kù ti náánnè ku Birε nùù miεke. Nè ku Birε beè wēnné ke dḡḡ kutenkù. Kù de ntãáté kè dè yóó tieke demou. ³ Ti yà Yesu deumè mme ke banté Kuyie ndeumè. Weè náántì kpeñni ke tḡ kutenkù ke te demou kè dè kéri mesàà. Weè ku ke ùté ti yei nke dèè ke kàri Kuyie nkùù nḡ ndemou ku bakù yóú.

Yesu pēētémè Kuyie ntōrè

⁴ Yesu kpeñnìmu ke pēēté Kuyie ntōrè, Kuyie nwe n duó ndiyètìrì dierì, dḡḡ deu ke pēēté ku tōrè kpeye.

⁵ Kuyie nyí nàké ku tōnnì marì ke yĩ:

A tú m birε nde yíe,

kè n tu a cice.

Kù me nyí nàké ku tōnnì marì ke yĩ:

M bo ntú a cice,

kàa ntú m birε.

⁶ Kuyie nyóó duḡnní dḡḡ mḡnnì kutenkù miεke ku Birε dèè tu Mpo ke béimmu ke dḡ:

Kuyie ntōrè ndè bàá.

⁷ Kuyie mbéimmu ku tōrè kpéi nke yĩ:

Kuyie nkuù cèèri ku tōrè

kè yè naà nkuyaaakù,

ke ceeri ku tōmbè

ke bè naà nfehããdeñfè.

⁸ Ke né nàké ku Birε ke yĩ:

A tú Kuyie nku,

kàa kpààtikàrì yó mbo sáà,

a baké nè timómmḡnti nti.

⁹ A dḡ timómmḡnti nti,

a í dḡ meyei,

dεε te kè Kuyie nha Yiè nda tããté
 a kòbe miéke,
 ke waare a yuu mekùò,
 ke da duó ndiwèi.

¹⁰ Ke yíé ke bè nàké ke yĩ:

F́ nti Yiè
 f́ò d̀ò ketenkè nè dim̀nni,
 tiwetì tu a ǹùtè kó mut̀mmú mmu.

¹¹ Dende yóó p̀èt̀ému,

kè f́ nni mbo,
 dè yóó kót̀ému kuyà̀kù t̀mè.

¹² A yóó dè kp̀éumu kuyà̀kù k̀mε,
 kè d̀ε ceetε.

F́ nyie με mbaa yó ndò nha d̀ntì nti,
 a í deu.

¹³ Kuyie nyí nàké ku kó dit̀nni marì ke yĩ:

Nkari m bakù youú
 ke k̀mmúnè m bo da duómmè
 a dootit̀bè k̀a bè na ké bè c̀ùti.

¹⁴ Ba ntu Kuyie nt̀rè? Ku t̀mbè mbe kù t̀̀nni bè,
 kè bè teennè kù yóó dεeté bè.

2

Kuyie ndεerí m̀è botí wennimu

¹ Kuyie ndεerí m̀è botí wennimu, dεε kp̀éi nte
 kè ti dò nkémpí ntimómm̀nti ti kèè tì, ke báá yeté
 kuce. ² Nyé̀nè ke dò nKuyie nt̀rè do t̀uní tì ke náá
 mbenit̀bè tì tu timómm̀nti nti, kè bèè tì yetírí kè
 Kuyie mbè f́ũnko. ³ Ti kèè tì náant̀, Kuyie mBire
 dεè tì nti nàké, kè bèè tì kèè kè bè múnke tì nàké. Kè
 ti tì yetε ti bo ỳme k̀yenté? ⁴ Kè Kuyie nd̀ò tidiet̀
 tibotí tibotí, ke benke bè náá nt̀ tumè timómm̀nti,
 ke bè p̀ Muyaánsààmù kó yep̀rè kù d̀mè.

Yesu weè dæerí

⁵ Kuyie nyí yē nku tōrè yeè yó mbaké kutenkù kùù kpaaní, ti náá nkùu kpéí. ⁶ Ti wàrimu nke tú:

Onìtì kpeti tú ba

kàa dènniní ò kpéí?

Onìtì tu we kàa dàke o kpéí?

⁷ A ò kékùnnèmu Kuyie ntōrè

dimònnì sànpòrì mièke

kàa ò duó ntikpeti nè diyetidieri,

⁸ koò duó nha dòò dèè kó dimàà

koò dè baké demou.

Kuyie nhò duómumu demou koò dè baké ti né mu nyí yà ò bakémè demou. ⁹ Ti yàmu Kuyie nhò

kékùnnemè dimònnì sànpòrì mièke Kuyie ntōrè,

koò dèúkùnne koò kpénkùnne ò fèütémè ke ku ti

kpéí. Kuyie nti dó mèè kpéí nte ò kumè timou kpéí.

¹⁰ Kuyie nkuù dòò dèè kó dimàà bo demou, ke dè te

ke dó benitibè pèuu ta ku kpeti mièke, dèè te kè kù

duó nkè Yesu fèüté ke yè páíí ke bo bè dæeté.

¹¹ Yesu weè ou benitibè be yei. Wèè wènkùnko nè

ò wènkùnko bè bè wē mbe cice omáà ndi. Dèè kpéí

nte kè ifei í ò bo ò bo mbè túmè o kabe, ¹² koò béi nke dò:

M bo nnáá nha kpéí n kabe cuokè,

m bo nda sántí dítinnì cuokè.

¹³ Ke wète ke yí:

M búó Kuyie nku.

Nte mí nnè ku bí kù n duó nyì.

¹⁴ Ò yu bè die nke tú ibí, ò yē mbèè màke bèmbè

tinitikòntì nè meyĩ. Yesu mómmuò nkòò náá

nhonitì, ke mòòte ti màke tìi kòntì, ke ku ke na

mukũũ nyiè ndibòò, ¹⁵ ke dæeté bèè do yĩèkù mukũũ

nke mù dé. ¹⁶ Wè í kàtení ke bo deeté Kuyie ntòrè nyé, ò kàtení ke bo deeté Abarahammu yaàbí nyi. ¹⁷ Deé te kòò dòntenè o kòbe weti weti, ke tú ikuó niùtì diewè ke kuò mmesémmè ke pĩ nKuyie ntòmmú mesàà, ke ùùtì benitibè yei. ¹⁸ Ò fěũtému o mómmuò nke yà mesòummè meməu. Di mmònnì ke bo na kéteennè bèè fěũri ke yau mesòummè.

3

Yesu deunèmè Məyiisi

¹ N kòbe Kuyie nyu bè, nwúónnè Yesu nwe, Kuyie ntònní wè, ikuó niùtì diewè ti tũ nwèè kó kuce. ² Ò do dəəri Kuyie nkuù ò tãátè kòò pĩ nde kó mutòmmú kù dómè mme, ke dò mMəyiisi do dòmmè. Ti wàrimu ke tú Məyiisi do pĩ mmutòmmú Kuyie ncĩtètè kè dè wenni. ³ Kòò nìtì maá teciètè kè tè wenni, bè ò nsánti wèè tè maá wènwe. Mèè botí nku ti dòmmè kénsánti Yesu wèè pēētè Məyiisi. ⁴ Kàa yà teciètè a ò nyému onitì weè tè maámè. Mèè botí nku ti yémè ke dò nKuyie nkuù dòò deməu. ⁵ Məyiisi do dò nhotòntì nwe, ke pĩ nKuyie ncĩtètè miéke mutòmmú muməu kù dó mèè botí kè dè wenni, ke náá nKuyie nhò duó ntì. ⁶ Kirisi tu Kuyie mBire nde, ke dəəri kù dómè sáà. Weè tu omari, bèè ò yie nkè bè tu teciètè ò maà tè kè nsà kè ti tá ke baa dèè kpaaní nè diwèi.

Kuyie ndo dómè kéom̀p̀unne ku kòbe

⁷ Deé te kè Muyaánsààmù nàà nke tú:
Mí nKuyie nkè n di béinnè yíe,
⁸ di báá kpénk̀unne di to,
di yembè do dərimè ke yetírí n kpeti,

n do bè yàáké diì m̀nǹǹ dikp̀ràà cuokè.

⁹ Yebie nsip̀is̀ǹàà mièke
di yembè do yaumu n d̀d̀r̀i t̀i dièt̀i,
ke baà ncié́ké ke n yáú.

¹⁰ Dèè do te
kè m mièkèe pèike de kó beǹt̀ibè,
kè m béi nke d̀d̀:
Be nǹt̀ibè í yie n kpeti,
be yèmmè mèè n dèténè.

¹¹ Kè m mièkèe pèike
kè m parìkè ke d̀d̀:
Di í tati dihèi meom̀p̀umè kperi.

¹² N k̀be Kuyie mbomu, ndakenè kòd̀ m̀òu
yèmmè báá s̀ntè kòd̀ tòd̀ kpenke, kòd̀ k̀ dèténè.

¹³ Nyáúk̀unkonè dit̀bè k̀nt̀i yewe yemou. Yie
nKuyie ndi yumu, di báá yóu kè meyei nsouté òm̀ou
kè de kó diyie ò p̀é̀t̀é, kòd̀ tòd̀ kpenke kòd̀ yete Kuyie
nkpeti. ¹⁴ Ti bo ntú Kirisi k̀be kè nsà kè ti t̀i nKuyie
nnáàǹt̀i weti weti ke d̀d̀ nti ti yie nd̀i yie kè de
ndòmmè ke t̀ùd̀kenè kum̀anku.

¹⁵ Ti ẁarimu ke tú:
Mí nKuyie nkè n di béinnè yie,
di báá kpénk̀unne di to,
di yembè do d̀arimè
ke yetír̀i n kpeti.

¹⁶ Òm̀be m̀be bèè do kèè Kuyie nkpeti ké t̀i yete?
M̀ỳiisi do d̀eté bèm̀be Esibiti ke bè d̀enne. ¹⁷ Kuyie
mmièke do péíkú òm̀be yebie nsip̀is̀ǹàà? Bèè do d̀d̀
bèm̀be meyei nke kú dikp̀ràà cuokè. ¹⁸ Kuyie ndo
parìkè ke d̀d̀ òm̀be í tati k̀d̀ do d̀ó bèè ta kèè tenkè
kéom̀p̀è? Bèè do yete bèm̀be ku kpeti. ¹⁹ Ba ndo te

kè bè í nta? Bè do yete mèt kprí nke ku kpeti, deè do te kè bè í nta de kó ketenkè.

4

¹ Kuyie ndo béimmu ke dò: Bá wè ò bo na kéta ku om̀p̀m̀m̀e miẽke, de kó dinùù kraá bomu nè yíenní. Nda kenè kòò m̀òù báá paà de kó meom̀p̀m̀m̀e. ² Ti kèemu Tináaansààti bèè do bo dikpàà cuokè be kōme. Bè do ti kèemu ti me nyí mbè teennè bè do í ti tá mèt kprí. ³ Tínti bèè yie nKuyie nkpeti, ti tatimu meom̀p̀m̀m̀e miẽke kù béi mmèè kprí nke yí:

Di í tati n do yē ndi ta
kèè tenkè miẽke kéom̀p̀p̀e.

Kù yóó béi mmemme ke ś nkù dèemu ku tōmmú nè dim̀ǹǹi. ⁴ Ti wàrimu kupíkù makù diyie yíenní kprí nke tú: Kuyie mpĩ nku tōmmú ke dèè ke om̀p̀e diyie yíenní yie. ⁵ Ke yíé ke wàri ke tú: Di í tati n do yē ndi ta kèè tenkè miẽke kéom̀p̀p̀e. ⁶ Bèè do niité kékeè de kó Tináaansààti ke í ntí tá, bè í ta de kó meom̀p̀m̀m̀e miẽke. Yíe nkuce kraá ke bomu de kó meom̀p̀m̀m̀e kprí, kè bèè yie nTináaansààti bè bo na kéta me miẽke. ⁷ Deè te kè Kuyie ndó ndiyie teri ke di yu ke tú: Yíe. Dè do m̀ntemu kè kùu duó nkòo kpààti Dafitii béi nke dò Kuyie ntu:

Mí Kuyie nkè n di béinnè yíe,
di báá kprénkunnè di to.

⁸ Kè Sosuwee do mbè tanné meom̀p̀m̀m̀e miẽke, Kuyie nna bá nwète ke nnáa ndiyie teri mari kprí. ⁹ Kuyie ndo dèè ku tōmmú kéom̀p̀p̀emu, m̀e botí nku bèè kù yie mbè yóó om̀p̀m̀e. ¹⁰ Wèè ta Kuyie nkó meom̀p̀m̀m̀e miẽke, ò om̀p̀emu nè o tōmmú Kuyie ndo om̀p̀e mèt botí. ¹¹ Deè te kè ti dò nkéyetoo

kéta de kó meom̄pùmè miεke. Ti ndake ke báá yete Kuyie nkpeti kéraà meom̄pùmè, bè do tì yete mèè botí dikpáà cuokè ké mè pàà.

¹² Kuyie nnáàn̄tì fòumu ke kpeñ̄nì ke si ke pēēté disiè menatimè mèdémè kperi, ke si ke tuòkù diwēnnì nè meyèmmè, ke kékíí yekũ̄s̄ ke tuòkù mēfemme, ke kpéinkoní meyèmmè mèè sòri nè iyentotí. ¹³ Kuyie nkuù dè dòò dem̄ou, dem̄arè í kù sòrinè, dem̄ou dè feímu, dem̄arè í kù bìinn̄nè, ti yóó ku nnáké ti dòò dèè kó dimàà.

Kirisi tumè ikuó nùtì diewè

¹⁴ Ti m̄okemu ikuó nùtì diewè, Yesu Kirisi, Kuyie mBire, wèè dèke keĩnkè. Tí ntēi ke tū nKuyie nti tá kù. ¹⁵ Ti kó ikuó nùtì yému ti cīnnì mèè botí, kè mesémmè ò bo, ò yàmu mesoun̄mè mem̄ou ti yaumè, ò me nyí dòò meyei. ¹⁶ Yóunè kè ti tóónnè Kuyie nkùù ti dó ke bá nyĩèkù, kè kù ti kuó mmesémmè, ké nti dó, ké nti teénnè dè dò nkù ti teennè dii m̄onni.

5

¹ Ikuó nùtì diewè ben̄itibè ã̄s̄ tããté wè, o kó mutōmmú ã̄ ntú ò bo mbáámmè Kuyie mben̄itibè yei nkpeí, ke kù duò mbe p̄arè, ke feu iwũ̄s̄ ben̄itibè yei ncīémmè kpéí. ² Ò me ntúmè on̄itì nwe ke cīnnì, kè bè dòò meyei nhò yému bè í kpeñ̄nì. ³ Ò cīnnì mèè kpéí nke d̄arri meyei deè te kòò ã̄s̄ keté kéféuté o móm̄muo nho yei ncīémmè kó feòfè, kédeè káfíé bet̄abè kó meyei ncīémmè kpeyi. ⁴ Òm̄ou ã̄s̄ í ntããté omàà kénáá nyikuó nùtì diewè, Kuyie nkuù ã̄s̄ ò tããté, kù do tããté mèè botí An̄o.

⁵ Kirisi kperε me ndò nweè í tããté omáà ke bo naá nyikúó niùtì diεwè, Kuyie nkuù ò tããté ke béi nke yí: A tú m birε ndε yíε

kè n tu a cice.

⁶ Kupíkù tekù ke béi nke tú:

A yó ntú ikuó niùtì nwe sãã

kéndònnè Mesisedeki.

⁷ Yesu bo diì m̀nni ketenkè ñnkè ke mbáá nKuyie nku, Kuyie nkùù kpeñni ke bo na kòò deeténè mukũũ, kékuó mmèdiè nkè kùu cõté o báámmu, ò yie mmèè kpéi nku kpeti. ⁸ Bá ò me ntúmè Kuyie mBire kòo nféũri ke baa yíε nKuyie nkpeti. ⁹ Kòo nyíε Kuyie nkpeti timòu, ò í nyóu timatì ke naá nwèè duò mmufòmmu mùù bo sãã bèè yie nho kpeti.

¹⁰ Kuyie mbéimmu ke tú weè tu ikuó niùtì diεwè ke dònne Mesisedeki.

Ti bo nyémè ke bááyóu Kuyie nkó kuce

¹¹ Tináahtì kpaámu péu n na ndi náké tì, ti mè nnàkéní tì ñnkè ke né yóu ti bo yímè ké tì ndi náké kè dí banté ke yé di ténke í cããmè ke banní. ¹² Dũ do dò nnè dim̀nni kèntiè benitibè Kuyie nnáahtì kè di né kpaá ke dò mbè ndi tiè nKuyie nkó itié nketiyi, di do dò kényo mmuciè mmu, kè di né kpaá yãã mmemiè. ¹³ Wèè kpaá ke yãã nhò báá na kébanté Kuyie nnáahtì tu mù, ke yé ò kpaá ke tùmè debire ndε. ¹⁴ Bèè yo mmuciè bè kòtému ke yé mesàà nnè meyei.

6

¹ Ti sòténè Kuyie nnáahtì kó itié nteì, bekótibè kpeyi, ke yóu iketiyi, ì tu ti bo yóumè meyei

nkéceete kětũnne Kuyie, ² bè bo nti ãã mề botí bàtém̀m̀, ti bo nǹnkum̀ ti ǹou beǹitib̀ ãnk̀ k̀ bè miérí, becírí b̀e yóó yánté mề botí ǹe Kuyie nyóó bekéǹem̀ bá ẁe ku beénti yie. ³ N yému ke d̀o nkuyie mbo ti teenǹe k̀e ti s̀oté k̀eta itié ncũmpuyi.

⁴ Bề dié nke yíété Kuyie nk̀e k̀u bè mìíté ku kó kuwenniku ke bè pã k̀e ãnk̀ kó dipãnni k̀e bè m̀òtè Muyaánsààm̀, ⁵ ke yíété Kuyie nǹaànti wennim̀e, ke m̀òtè kutemp̀nk̀ kó muwērím̀, ⁶ k̀e bè yóu Kuyie ke ku yete bè báá na k̀eẁete k̀eceete medérím̀e. D̀e d̀onǹe bè baak̀u Yesu nwe kuce medérimm̀e koò s̀áá nk̀e d̀e feío.

⁷ Oǹiti d̀onǹe ketenk̀e nke fetaafè niù k̀e s̀áá, k̀aa k̀uúti k̀e d̀e peíté Kuyie nh̄s̄ k̀e d̀òdm̀u mesàà. ⁸ K̀e k̀e me nyè tipotí ǹe timus̀nti, k̀e bo detetir̀e nde, k̀e Kuyie nyóó k̀e c̄s̄ k̀e k̀e c̀u.

⁹ N k̀obe ti náá memme ke yému ke d̀o ndi k̀erí kuce s̀àak̀u, ke yóó cooté. ¹⁰ Kuyie ntu timóm̀m̀nti yie nwe, k̀u í yóó ỳe ndi p̄i mm̀ù tòm̀m̀ú ku kpéi nke teenǹe Kirisi k̀obe ke kpaá ke bè teénǹe, ke benk̀u di k̀u dóm̀e. ¹¹ Ti d̀ó di ns̀ak̀emu ke p̄i nde kó mutóm̀m̀ú k̀etùke kum̀ank̀u, k̀epété di baa d̀e. ¹² Ti í d̀ó dí ntú bet̀onǹék̀ótib̀e, ti d̀ó di ndonǹe b̀e d̀o yie mb̀em̀be Kuyie nk̀e nk̀u tũ nke mi, k̀etieke k̀u ỳe nk̀u yóó bè duó nd̀e.

Kuyie nyemm̀e k̀u yóó d̀ò mesàà nhAbarahammu ǹe o yaàbí

¹³ Kuyie ndo yóó d̀ouǹǹe diǹù Abarahammu k̀eparik̀e ǹe ku ỳetiri ke ỳe òm̀ou í bom̀e ke k̀u deuǹe ke d̀o nk̀ù parik̀e k̀eyú o ỳetiri. ¹⁴ K̀e k̀ùu b́eí nke tú, k̀u bo ò d̀ò mesàà nk̀o yaàbí sũ̀ m̀mediè. D̀e

kó tináãnti tu timóm̃m̃nti nti. ¹⁵ Kè Abarahammuu yie nkémbaa ke kém̃m̃ú, kè Kuyie nhò d̃d̃ de kó mesàà nkù do yē nkù yóó ò d̃d̃ mè. ¹⁶ Kòo nìtì d̃s̃ b̃èe banté ò nàámmè móm̃muə, ò ã̃ yu wèè ò deunè o yètìrì ndi kè tinèit̃i deè. ¹⁷ Deè kpéí ndo te kè Kuyie mbéi nképarikè ke bo benke ku ñit̃ibè ke dò nkù béi ntì í yóó pàà. ¹⁸ Kuyie mbéi ntì nè kù par̃ikè̃m̃è, de kó tináãnti tidé t̃i benkú ke dò nKuyie nyí sou, tínti b̃èè yie nku kpeti, ti bo na kém̃m̃oke tikōnyauti ke kém̃m̃ú kù yē nkù yóó d̃d̃ t̃i. ¹⁹ Ti yē m̃èè kpéí nke dò nKuyie mbo d̃d̃ kù béi ntì, deè te kè ti kpeñ̃ni ke fííkú, ke dò mbàtòò cónñrì. Ti t̃ámu Kuyie nkè dè kpeñ̃ni ke dò mbàtòò cónñrì kó m̃ef̃im̃e, ke ti tanñnko Kuyie nc̃f̃èt̃è kufáá nkuyààkù kpetí kù. ²⁰ Yesu weè ti kpeté Kuyie nkó kuce kè ti bo k̃ote ku borè. Weè tu ikuú niùt̃i diewè ke d̃onnè Mesisedeki.

7

Mesisedeki kó tináãnti

¹ Mesisedeki do tú Sademmu kóo kpààt̃i nwe, Kuyie nkùù baké keĩnkè nè ketenkè ku kuó niùt̃i. Kè Abarahammuu dokénè bekpààt̃ibè ké b̃è na kénkūntiní kòo ò co, kòò p̃ã Kuyie nkó mesàà. ² Kè Abarahammuu deite ò p̃ante ke eí dè bá dè kó depiíndè kòò duó. Diyèt̃irì dii tu: Mesisedeki di benkú ò tumè m̃me okpààt̃i sààwè. Kè Sademmu kóo kpààt̃i benkú ò tumè meom̃p̃um̃è kóo kpààt̃i. ³ Òm̃òù í yē Mesisedeki cice yoo o yō yoo o yààr̃ibè. Òm̃òù í yē ò peit̃é dè nè ò ku dè. Ò tu Kuyie nkuó niùt̃i nwe s̃ã, ke d̃onnè Kuyie m̃Bir̃e.

⁴ Ò deu mediè m̃me, deè te kè ti yààr̃i Abarahammuu deite ò eí dè mieke bá dè kó depiíndè

kòò duó. ⁵ Defii yaàbí ìì tu ikuó niùbè, kè Kuyie nnáké Mɔyiisi ke dò bè mbe duò ndèè tu depííndè. Bá bè me ntúmè beməu Abarahammu yaàbí. ⁶ Mesisedeki í tú Defii kó kuwə kou, nè memme kòo pā Abarahammu Kuyie nkó mesàà, kòo deite ò éí dè kó depííndè kòò duó. ⁷ Ti yému timəu ke dò nwèè deu weè ɔɔ pā mesàà nhosámpròu. ⁸ Ikuó niùbè, bè duò mbè depííndè bè tu benitibè mbe ke kɔ. Kuyie nnáàntì nàámmu ke tú Mesisedeki í ku. ⁹ Abarahammu do duómè ò éí dè kó depííndè, ti bo na ke dò o yaàbí Defiibe bè duò mbè depííndè bèè do dè duó. ¹⁰ Bè mu ndo í peité Defii, ò né do bomu o yaàri Abarahammu miéke Mesisedeki ò co dii mǎnni kòo ò duó nhò éí dè kó depííndè.

¹¹ Ikuó náá nke tú i niùbè yó ntú Defii kó kuwə nkəbe mbe, kè Defiibe ikuó niùbè do nna késúté Isidayeeriibe yei mpáíí, Kuyie nna bá nduənní ikuó niùti tɔu kòo ñdònnè Mesisedeki. Anə kó kuwə kəbe bèè tu Defii yaàbí bè na nsànnèmu. ¹² Kè ikuó kó muniù cèète, ikuó ɔ ndò nkéceetemu. ¹³ Ti Yiè nYesu, ti nnáàntì nàá nwèè kpéí wè í tú ikuó niùbè kó kuwə nkou, o kó kuwə nkou məu í pī nyikuó kó mutəmmú diyie mari. ¹⁴ Ti yému ke dò nti Yiè nYesu tú Sudaə kó kuwə nkou nwe. Mɔyiisi do náá ndi mǎnni bèè yó mpī nyikuó kó mutəmmú ò í mbéi nde kó kuwə nkpeíí.

Yesu tumè ikuó niùti ke dònne Mesisedeki

¹⁵ Ikuó niùti tɔu buotémè ke dònne Mesisedeki deè benkú ke dò nDefii kó ikuó niùbè í na ke úté benitibè yei. ¹⁶ Yesu í tú ikuó niùti ò tu mèè kpéí Defii kó kuwə nkou, ò kpeñnìmu ke fòu sáà, deè te kòo náá nyikuó niùti. ¹⁷ Ti wàrimu ke tú:

Ò yó ntú ikuó nùtì nwe sáà,
ke dònne Mesisedeki.

¹⁸ Ikuó ketiyì do cĩnnìmu, ke í nna ke deeté benitibè kè Kuyie nyì yóu. ¹⁹ Mɔyiisi kó ikuó do í na kээ́úté ti yei. Di mmònnì kè ti pèté kuce tekù kùù kòrìnè Kuyie mborè.

²⁰ Kuyie mbéimmu ke pàrikè o kpréi. Kù í nàké me botí ikuó nùtì tòu m̀̀u kpréi. ²¹ Kuyie mme mbéimmu Yesu túmè ikuó nùtì ke pàrikè ke yĩ:

Mí ndi Yìè nKuyie m béimmu ke pàrikè,
n yí yóó kpatè n nùù:

A tú ikuó nùtì nwe sáà.

²² Yesu weè tu metaummè pammè kó dikũnnì, deè te kè mè kpeñnì ke wenni, ke pèèté mekótímè.

²³ Ikuó niùbè tɔbè do sũmu ke yé bè kɔmmè kè betɔbè cɔú. ²⁴ Yesu yie me nfòumu sáà, ke yó ntú ikuó nùtì sáà. ²⁵ Deè te kòò màke muwērímú ke deerí benitibè, kè bè kòrì Kuyie mborè bè ò tá mèè kpréi. Ò fòumu sáà ke báá nKuyie mbe kpréi.

²⁶ Yesu weè tu ikuó nùtì diewè, dè dò nti mmàke wè. Ò dò mpáíí nwe, wè í màke meyei mmamè. Òm̀̀u báá na kóò wàtí. Kuyie nhò cǎnnénèmu benitiyibe koò baá ndem̀̀u. ²⁷ Deè te kòò í dònne ikuó niùbè diebè tɔbè, bèè do feu iwũs yewe yem̀̀u, ke níí keté kéféúté be kó meyei ncǎmmè kpeyi, kédeè kéfíé betɔbè kɔme kpeyi, ò duó nhomáá ndi kè bè ò kùu kuce mèmáà kè dè dèè. ²⁸ Kuyie ndo duó nyikuó Mɔyiisi kòo tǎáté bèè nitibè kè bè ntú ikuó niùbè diebè bè do tú meyei nyembè mbe ke d̀̀ori meyei, Kuyie mbéi ndi nùù ke pàrikè dii pàa nyikuó kè kù tǎáté ku Birè kè dè tu ikuó nùtì diewè ke dò mpáíí sáà.

8

Yesu weè tu ti kó ikuó niùti diewè

¹ Ntenè ti náá ntù náànti yuu: Kirisi weè tu ikuó niùti diewè, ke kari keĩnkè dikàri dieri Kuyie mbakù yóu, ² ke pĩ nKuyie nkuó tǎmmú ku cǐtè miεke, kù maá tè kumómmanku, onìti í maá tè.

³ Bè òò kanne ikuó niùti kòò bo nduò nyepārè nye Kuyie ke kù feu iwũò. Deè te kè ti kó ikuó niùti dò nkéféuté o kǎfe. ⁴ Kè Kirisi do bo ketenkè ìnkè nke, ò na bá ntú ikuó niùti. Ke yé ikuó niùbè dié nke bomèmu ke feu iwũò ikuó yǎmmè. ⁵ Ikuó niùbè do pĩ mmù tǎmmú do benkú dèè dǎdri dènde Kuyie ncǐtè keĩnkè, Mǎyiisi do yóó maá dìi mǎnni metaummè tou kè kùu ò nǎkému ke dò: Maá di mesàa nweti weti kè dì ndǎnnè n da benke dì ditāri ìnkè. ⁶ Kirisi kó mutǎmmú deumu, weè tǎunko Kuyie nnè benitibè kè de kó metaummè deu ke pǎtè mekótímè, weè tu Kuyie nyē nkù yóó dǎdè mǎmou kó dikūnni.

Metaummè pǎmmè kó tináantì

⁷ Kè metaummè kótímè do nsǎnnè, mǎpǎmmè na bá mbuoté. ⁸ Kuyie nyà mè í sǎnnèmè mme, ke béi nke yĩ:

De yiè kpaanímu
kè m bo wēte kétaunnè Isidayεeribe
nè Sudaa kǎbe.

⁹ Dè ténke í yó ntú metaummè
n do dǎdènmè be yembè
m bè dète dìi yiè Esibiti ke dènnε.
De kó metaummè bè mè tǎtemu
kè m bè bùtinné.
Mí ndi Yiè nKuyie mmî béi.

10 Kè ti Yiè nKuyie mbéi nke dò:
 Nte de yiè n yóó dòòné
 mèè taummè Isidayeeribe:
 N yóó ãnné n kuó be miéke nke,
 ké ì wàri be yèmmè miéke
 ké m bè te mí nKuyie
 kè bè ntú n kòbe,

11 De yiè òmòu ténke
 báá tié n kuó o kou,
 yoo o kouu ò tié nke dò
 wè n yíéte mí ndi Yiè nKuyie.

Bè yóó nyi yému bemou,
 ibí sámòlì nè bekótibè.

12 N yóó bè cǐemmu be caàrimè,
 n ténke báá dentení be yei nkpéí.

13 Kè Kuyie nnáá metaummè pammè kpéí kù yē
 meketimè kòtému ke pēnké.

9

Kéìnkè kó mubáammu nè ketenkè kōmu dè cǎá ndè

¹ Metaummè ketimè do mòkemu ikuó bè bo mbáá
 mmèè botí Kuyie nnè metaummè tou benìtibè maá
 dì. ² De kó ditou do mòke tidieti tìdèti nti, kè bè yu
 kuketikù ke tú ikuó dieku, kè fitírè nè tábùrì kè dè
 bo ku miéke, kè pèèbè bè pā bè Kuyie nkè bè daké
 tábùrì ìnkè. ³ Kè kuyààkù kpetí kudéríkù kó dibòrì
 kè bè kù tu ikuó nenti kó kufáá. ⁴ Kè dihúúntànnì
 mesò nkperi, bè cóunko dì ìnkè tùdààrì kè dì bo
 ku miéke, kè metaummè tóu bè dàri dì mesò nkè dì
 bo, kè titápíèti tìdèti, bè wàri tì Kuyie ntannò tepíítè
 nè disòobuu mudìi bè tu mù mánnì mù ã dì, nè
 Anò kó kupààti kùu do yè tifaàti kè dè bo de kó

metaummè tou miεke. ⁵ Kè beĩnkèmbàribè kó tifènti còmú de kó ditou ĩnkè ke benkú Kuyie ndè bomè, kè si fièti kánkè bè ðð míété dè iwũð kó meyĩ nkémò Kuyie mbe yei ncĩémmè. Tináaanti kraámu péu, ti me mbáá na ké ti nàké tima tima.

⁶ Dè do me ndò nde kó kudieku miεke, kè ikuó niùbè taà kudieku ketikù yewe yemou, ke pĩ mbe tãmmú. ⁷ Ikuó niùti diewè máà weè do ðð ta ikuó nenti kó kufáá nkuce mèmáà dibenni miεke, nè iwũð kó meyĩ nkémò Kuyie nho yei ncĩémmè, kédeè ké kù mò benitibè yei ncĩémmè. ⁸ Nè de kó tidieti tidèti kó meborime mme Muyaánsààmù benkúmè ke dò nkè kudieku ketikù bo, kudèrikù kó kuce mu nyí kpeté. ⁹ De kó tináaanti ti náá nyie nke dò nyepãrè bè do pãã nyè nè iwũð bè do feu ì, do í na kéwénkunne benitibè yèmmè páíi bèè do báá nKuyie mme botí. ¹⁰ De kó mubáammu botí do tú tikònti kó ikuó kómu mmu, kè bè nyé bè bo nyo ndii mðnni nè bè bo nyo ndè nè bè bo nyð mmù nè bè bo nhou mèè botí bemáà. Bè do me nhõ nke baa Kuyie mbo dð mèmme metaummè pàmmè.

¹¹ Di mðnni Kirisi kàtenímu ke tú ikuó niùti diewè mómmuò, ke ti cĩé nti yei. Ò pĩ mutãmmú metaummè tou dii miεke di deumu ke wenni ke pēētè diketiri, di í tú kutenkù kuu nkperi, oniti weè í di maá. ¹² Weè ta metaummè tou kuce mèmáà kè dè sànnè, ò tannè mèè yĩ nyí tú yebòdakè nè yenaadakè kōme. O mómmuò nho kó meyĩ mme, kòò ti ðúté ti yei nsáà. ¹³ Kè yebòdakè nè yenaadakè kó meyĩ nnè yenaaserè kó mutápei mbè do ðð míété dè do ðð wénkunne benitibè. ¹⁴ Kirisi kó meyĩ mpēētému memme mediè ke ti ðu ti yei mmeou, Muyaánsààmù mmuù ò teennè, kòò duó nhomáà kè

bè ò kùò ti kpéí, wenwe wèè í m̀ake meyi mmamè, kòò ti deetè ke ti bo na kèpfi nKuyie nkùù duó mmufòmmu ku kó mutõmmú.

¹⁵ Meè botí nku Kirisi tàunnèmè Kuyie mbenitibè, kè de kó metaummè tu mepàmmè. Nè meè mièke nke Kuyie ndòòmè ku do béi nti ke d̀ kù yóó duó mmufòmmu mùù bo sáà benitibè. Kirisi kumu ke òútè benitibè yei mbè do d̀ori mè metaummè kótímè m̀nni.

¹⁶ Kuyie ndòò mèè taummè d̀onnè onitì ò nyóó kù m̀mmè kénáké wèè yóó túóté o kperè, de yiè nné òò í ndè tùóté kòò kpaá fòù. ¹⁷ Ò béi nti òò í ndòò ò kpaá fòù dii m̀nni, ò òò kúmu kè t̀i d̀ò. ¹⁸ Metaummè kótímè do òò í m̀ake muwèrimú kè bè í fèútè fèðfè kè meyi ncòú. ¹⁹ Meè botí nku M̀yisi nàkè dii m̀nni Kuyie nkuó benitibè, kédeè kétúóté tipeciti wũòti nè tifáàti, bè tu t̀i isópù, kèpòtè yebòdakè nè yenaadakè bè fié yè kó meyi nkémíétè ikuó kó dipátiri nè benitibè. ²⁰ Ke d̀ò: Me nyi m̀mèè benkú Kuyie ndi taunnèmè kumáà. ²¹ Ò me nyi kémíétè meyi metaummè tou nè ikuó nenti. ²² Ikuó mièke meyi m̀mèè òò wénk̀nne dem̀ou. Ikuó mièke kè meyi nyi còú nKuyie mbáá c̀é mbenitibè be yei.

Kirisi kumè ke òútè benitibè yei

²³ Ikuó mièke bè do òò wénk̀nne dem̀ou nè iwũò kó meyi m̀mè. Dè do benkú kèinkè kperè d̀ommè m̀mè. Iwũò kó meyi mbáá na kèwénk̀nne kèinkè kperè, detèrè marè deè d̀ò nkédòò dèè pèètè m̀mmè.

²⁴ Kirisi wèè ta Kuyie nc̀ètè m̀omm̀ante, wè í ta metaummè tou benitibè maá di, dii tu Kuyie nc̀ètè kó kufènkù m̀omm̀anku. Ò dèke kèinkè nke ke bo Kuyie mborè, ke kù báá nti kpéí. ²⁵ Kirisi í ta

Kuyie nciētè ke bo duó nhomáà kuce mèpéu, ikuó niùti diewè do taànè meyiĩ mmèè botí bá dìi benni metaummè tou mièke kuce memáà. ²⁶ Kè Kirisi kperè do me ndò, nè Kuyie ndòòmè kutenkù ò na nku kuce mèpéu ndi. Ò kàtení yemàrè sonye nye ke duó nhomáà kè bè ò kùò kuce memáà, kòò dèite benitibè yei nkè dè dèè. ²⁷ Onìti ãã kú kuce mèmáà ndi, de kó difãnkúò kè Kuyie nhò bekénè. ²⁸ Mèè botí nku Kirisi duómme omáà kè bè ò kùò kuce mèmáà, kòò òúté benitibè yei. Ò yóó dɔɔ bèè ò bàà bèmbè kè bèè ò dòntenè.

10

¹ Mɔyiisi kó ikuó do benkú Kirisi yóó ti dɔɔ mèè sàà mme. Ì do í na ke bo deeté bèè ò tũ nkè deè kpéi nní nte kè bè nfeu iwũɔ yebie nyemou. ² Kè ò do mbè deeté páíi kè bèè wenke, bè ténke na bá nyĩkù ke feu iwũɔ. ³ De kó iwũɔ kó muféu pètínke do bè dènni be yei mme yebie nyemou. ⁴ Ke yé yenaadakè nè yebɔdakè kó meyiĩ mbáà namè késúúté onìti kó meyei.

⁵ Dèè te Kirisi kàriní dìi mònni kutenkù ke náké Kuyie nke dè:

A í dó bè da feu ò wũɔ
nè bè da pãã nyèè pãrè
a nh ãnné tikònti nti.

⁶ A í dó be feu ò ke tuò nyewũɔtòrè,
nè bè da feu ò meyei nciémmè kpéi.

⁷ Dèè te kè n yĩ:

Nte mí n kàrimu
ke bo dɔɔ fĩ nKuyie nha dómè,
tì wàri n kpéi
ikuó pátíri mièke ke yèmmè.

⁸ Dεε te kε Kirisi ketε kεbεi nke dδ: A ί dδ iwũδ bε da feu ì nε bε da pã nyì ke tuδ nε bε da feu ì meyei ncĩemmε kpεi bα nε bε me ndε n da pãammε ikuδ yεmmε. ⁹ Kδo yίε kεbεi nke dδ: Nte mí n kεrimu kε bo dδδ a dδmε. Mεmme Kirisi pàammε ikuδ kótíyì ke cεεte ipànyì. ¹⁰ Kirisi dδδ Kuyie ndómε mme ke duδ nhomáà kε bε ò kùδ kuce memáà kòδ ti òútε ti yei.

¹¹ Ikuδ niùbε do δ mpĩ mbe tōmmú yewe yemou ndi, ke baa feu iwũδ sãã bα dε ί ου be yei. ¹² Kirisi yie duδ nhomáà kuce memáà ndi, kε bε ò kùδ kòδ òútε benitibε yei nke dεε ke kàri Kuyie mbakù you sãã. ¹³ Ke baanε Kuyie mbo ò duómme o kprantídεntδbε kòδ bε cùuti. ¹⁴ Ò duδ nhomáà kε bε ò kùδ kuce memáà ndi, kòδ òútε benitibε yei nkε bε wenke kòδ naánnε sãã.

¹⁵ Muyaánsààmù tì yému, ke kònnε Kuyie mbéi ntì ke yí:

¹⁶ Nte n yóó bε dδδnε mεε taummε dε kó yewe miεke.

N yóó ãnnε n kuδ be miεke nke,

kε ì wãri be yεmmε miεke.

¹⁷ N ténke báá dentení be yei nnε be caàrímε kpéi.

¹⁸ Kε Kuyie ncĩε mbenitibε be yei mbε ténke δδ ί nfeu iwũδ me kpéi.

Yesu ti kpetémε kuce pànkù

¹⁹ N kδbe Yesu ku mεε kpéi nte kε ti mδke kuce, ke tá ke dδ nti bo na kεta Kuyie ncĩεtε ikuδ nentì kó kufáá kεtuδke Kuyie mborε. ²⁰ Kirisi weε ti kpetε kuce pànkù, mufòmму kδku, weε kεtε kuyààkù kùù do ti pi, ò duómme omáà kε bε ò kùδ. ²¹ Tì mδkemu

ikuó nìùti di ewè wèè ni Kuyie ncfētè miεke. ²² Ti tũ ntóónnè timáà Kuyie nnè ti yèmmè wennimè ke bá nyĩèkù bá sám̀pó, ke yé bè ti wùòmè menésààmè. ²³ N kòbe ti p̄innè weti weti ti yie nti kénkémmú ti baa dè, Kuyie mbéimmu ke yóó d̀ò kù b́ei ntì. ²⁴ N kòbe ti ndake titòbè kpéí kéndó titòbè kéndòori titòbè mesàà. ²⁵ Ti báá yóu ti bo ntaunnèmè ti kó yetĩrè bèmabè d̀òòmè, tí nyáúkunko titòbè k̀ntì, ti yému ke dò nhò w̄etiní bàmbà.

²⁶ Kè ti yĩéte timómm̄nti ke w̄ete ke t̄āaté meyei nke mè d̀òòri, Kirisi kó mukũũ mbáá na ké ti deeté. ²⁷ Tí p̄anke nkpeutí, muháá ndiemù Kuyie nyóó tanné mù bèè yete ku kpeti mu kpéí. ²⁸ Onìti do ò nkòò d̀òò M̄oyiisi kó ikuó ci dè, kè benitibè bèdébè yoo bèt̄āati ò yà ke b́ei, mbè ò ò í nhò kuó mmesémmè, bè ò ò kùamu. ²⁹ Wèè bo senkèrì Kuyie mBire, késãũ nde yĩ metaummè p̄ammè mèè ò òúté ké mmè wùò ndetetirè ke s̄áá Muyaánsààmù, o kperε bo p̄ēté memme. ³⁰ Ti yému Kuyie nkuù béimmè ke tú kuù yóó peite, kè kuù f́óó. Ke yíε ke b́ei nke tú kuù yóó bekénè ku nitibè. ³¹ Kuyie nfòumu, dè bo nyóùnè ku miεke bo do wè.

³² Dentenèní di yie ndìi m̀onnì Kirisi kè dè ndòmmè, di do f̄ēūtémè kéáké, mehárìmè me nyí ndi na. ³³ Kè bè ní ndi s̄áá nyemòrè mayè benitibè ìkè ke di puotì yeteyè, kè di nkómmú bè f̄ēũnko bè. ³⁴ Kè di w̄enné k̄éf̄ēūtè kè bè nfekù di kperε kè dè di naati di yé mèè kpéí nke dò ndi kpàti bo k̄f̄nkè, t̄i p̄ēté memme, t̄i yó mbo s̄áá. ³⁵ Di báá yóu kè di k̀ntì ȳarike, dí ndòori Kuyie ndómè, kè kù di cú.

36 Di do nkénwéèrìmu ke d̄̄ori Kuyie ndó dè kè kù di duó nkù yè nkù yóó di duó ndè. 37 Ti wàrimu ke tú: Ò wētínímu bàmbà nhò í yóó ɔte.

38 Kè titetì wàri ke tú:
Wèè wetí de yiè mbo nfòu
ò tá mèè kpéí.

Kè wèè yete Kuyie nkpeti
ku mièke bo nhò c̄̄su.

39 Yóunè kè ti nwéèrì kè Kuyie nti duó mmufòmmu mùu bo s̄̄à, ti bá ntú bèè yete ku kpeti kè kù yóó bè kpetínné.

11

Bèè yie nKuyie nwetì wetì be kó tináàntì

1 A bo ntámè Kuyie ntú a bo nyémè mme weti weti ke dò nha baa dè a yóó dè yà, a bo nyémè ke dò ndè bo, bá a í me ndè wùómmè. 2 Dimònni k̄̄be do tá mèè kpéí nKuyie ndeè do te kè kùu bè pénsìrì.

3 Ti tá mèè kpéí nKuyie, ndeè te kè ti yé ke dò nkuù béi nkè kutenkù d̄̄ò. Ti támu ke dò nti wúó ndè Kuyie ndè d̄̄ò nè ti í wúó ndènde.

4 Ab̄̄eri do tá mèè kpéí nKuyie ndeè do te kòò kù p̄̄ dii p̄̄nni diwūōt̄̄nni ìnkè, kè Kuyie ndi pénsìrì k̄̄p̄̄ēt̄̄é Kayēē k̄̄p̄̄e, kè Kuyie ndò ò wetí k̄̄c̄̄ut̄̄e o p̄̄nni ò kù tá mèè kpéí. Ab̄̄eri támmè Kuyie nde kó tináàntì k̄̄p̄̄á ti náánn̄emu bá ò me nkumè kè dè m̄̄nte.

5 En̄̄oki do tá mèè kpéí nKuyie ndeè do te kòò í nku, kè kùu ò t̄̄ót̄̄é, kè bèe ò m̄̄nt̄̄óo. Ti wàrimu ke tú: Kuyie mmu ndo í ò t̄̄ót̄̄é ke ȳ̄mu ò wetímè. 6 Ti tá dii m̄̄nni ndi Kuyie nkù ò̄̄ ti pénsìrìmmè, kè ti kù

tũ nti dò nkéntámu ke dò nkù bo, ke yóó cú bèè kù wanti.

⁷ Nᵱwee do tá mèè kpéí nKuyie ndèè do te kè kùu ò nàké dèè kpaaní kòo yie nké nkù dé kédòò bàtòò, nè o cĩtè kᵱbe kè bèe ta bemᵱu kécooté kè Kuyie nkuᵱ betᵱbè ke dò Nᵱwee wetí ò kù tá mèè kpéí.

⁸ Abarahammu do tā mèè kpéí nKuyie ndèè do te kè kù dò wèe kᵱte ketenkè kù yóó ò duó nkè diyie mari. Kòo yie nkéíté kénkérí bá ò í yé ò kòri kè, ⁹ kétuᵱke de kó ketenkè Kuyie nyóó ò duó nkè diyie mari, kэмbo ke dò nhopòò, ke ã titouti miéke. Isaki nè Sakᵱbu bè do me ndòò, o kó difᵱnkúò Kuyie mmúnke do ti mbè nàkému. ¹⁰ Abarahammu do baa Kuyie mbo ò duómme kéĩnkè kó dihei ndi kumómmanku kù maá dì kè dì kpeñni.

¹¹ Saraa do tá mèè kpéí nKuyie ndèè do te kòo mᵱote debire ke ś nhò kòté mediè nke tú tēhāunte. Ò do tá mèè kpéí nke dò nKuyie nyóó dᵱò kù béi nti. ¹² Abarahammu do kòtému mediè nkéduúnne mukũũ nkémᵱote debire, kòo yaábíi sũũ nkémmannè siwāã nè mubirímú dàméèrì nùu kᵱmu.

¹³ Bemᵱu bè do támu kékúnè ke í yà Kuyie ndo yē nkù yóó bè duó ndè, ke né ntá ke dò ndè kpaaní kè kù yóó dᵱò kù béi nti, kè bèe béi nke dᵱ: Ti dò mbeᵱòòbè mbe kutenkù miéke. ¹⁴ Bè nàá mmemme ke benkú bè wantimè mme be kó dihei. ¹⁵ Kè bè do nkpaá dᵱ be ei bè itení dì ndi, bè na nnamu kéwēte. ¹⁶ Bè do dᵱ dihei sàari ndi dii pēēté bè itení dì, dii tu kéĩnkè kperi. Dèè te kè ifei í bo Kuyie bè bo nkù yumè ke tú: Tí Yiè nKuyie.

17 Abarahammu do tá Kuyie nku, kè deè nte kù ò yàáké dìi m̀ǹǹni ke d̀ò wèe kù p̄a o bire kù ò duó ndè, k̀òo yie nke ndó ké dè kùò diwũòt̀ǹǹni ìnkè.

18 Kuyie ndo d̀aunnèmu dinùù Abarahammu ke d̀ò Isaki weè yóó ò pié iyaàbí. 19 Abarahammu do támu ke d̀ò nKuyie mm̀òke muwèrímú bá k̀òò kùò o bire kù bo na kédúó nkè dèe yánté, nè o yèmmè mieke ò do támu ke d̀ò ndè ku kè Kuyie mme ndè f̀òùk̀unne kè dè tu dibenkèrì.

20 Isaki do tá mèè kpéí nKuyie ndeè do te k̀òo kù m̀òò mesàà nSakòbu nè Esayu kpéí, kéntá ke d̀ò nKuyie mbo dè d̀òò.

21 Sakòbu do tá mèè kpéí nKuyie ndeè do te, ò k̀òté dìi m̀ǹǹni ke duúnnè mukũũ nk̀òò nỳíkú o p̀ààti ke s̄ĩ nkém̀òò Kuyie nkó mesàà nSosefu kó ibí idé kpéí.

22 Sosefu do tá mèè kpéí nKuyie ndeè do te k̀òo nyóó kù kénáké Isidayeeribe ke d̀ò kè bè yèti bè ntò o kũ̀ò kékònnè Kannahã.

23 M̀òyiisi yembè do tá mèè kpéí nKuyie ndeè do te kè bèe ò peité k̀éyà ò wennimè kè nhò s̀òri betààbè bètããti, bá bè í yòte okpàati béi ntì.

24 M̀òyiisi tá mèè kpéí nKuyie ndeè do te k̀òo kóténí k̀éyete bè bo nhò tumè okpàati k̀òo sapàà mbire, 25 k̀éwènnénè Kuyie nkòbe kè bè nfèũrì, k̀éyete ò bo ntùmè meyei nyiè, kèdi kunaatí dim̀ǹǹni s̀àǹp̀ó mieke. 26 K̀òò nyé ke d̀ò nk̀òò f̀èũté Kirisi kpéí, Kuyie mbè nàké wèe kpéí, dè wenni ke p̀èèté ò bo ntũmmè meyei nkó kuce ke m̀òke Esibiti kó tikpàti tim̀òu. Ò do f̀èũrì m̀emmmè ke yé Kuyie nyóó bè yietímè mme dèe p̀èèté Esibiti kó tikpàti.

27 M̄oyiisi do tá m̄èè kp̄í nKuyie ndeè do te kòo kp̄ààti mīekēe ò p̄eike, kòo íté Esibiti, bá ò í yī̀èkù, k̄embo nè dik̄ōmbù̀ ke dò nhò wùó nKuyie mb̄è í wùó nkù. 28 Ò do tá m̄èè kp̄í nke Kuyie ndeè do te kòo ānné diyentébanni, ke níéké mepeyī nyebòrè, kè Kuyie ntōnni d̄i kòu kè d̄i báá kuō Isidaȳeribe k̄obe b̄èè tu Mpo.

29 Isidaȳeribe do tá m̄èè kp̄í nKuyie ndeè do te kè d̄am̄èr̄i tip̄enti kouu k̄ū kè b̄èe sénté, kè Esibiti k̄obe mb̄è tū nkétuakoo k̄è b̄è tekii k̄épōnté.

30 Isidaȳeribe tá m̄èè kp̄í nKuyie ndeè do te kè b̄èe fité Sedikoo ke d̄ò kuce m̄eyiekè kòo duotí duó. 31 Dahabu do tú onitipòkù w̄èè d̄outi d̄outinè w̄ènwe benitidaabè k̄éntá Kuyie nkè d̄èe nte kòo c̄outé Isidaȳeribe do t̄ōnkoo b̄è kè b̄è bo paaté dih̄i, kòo b̄è d̄ò m̄esàà. Kè d̄è nte kòo í n̄w̄ēnn̄n̄è b̄èè yete Kuyie nk̄peti k̄ékú.

32 Kè n tú m bo náké b̄èè do tá nKuyie: Sedeō̄ nè Baaraki nè S̄ānsō̄ nè Sefutee nè Dafiti nè Sammuȳeri nè Kuyie mp̄ān̄āānti náam̄bè k̄peti m báá deè. 33 Bè do tá m̄èè kp̄í nKuyie ndeè do te, kè b̄èe dok̄ènè ibotí k̄è ì na, k̄énd̄ari Kuyie ndó d̄è, k̄éyà Kuyie ndo ȳè nkù yóó b̄è duó ndè, kè yec̄ir̄ic̄ir̄èè b̄è yī̀èke mucáammù. 34 Kè bet̄ob̄èe bónk̄unne feh̄āād̄ēnf̄è, kè bet̄ob̄èe yent̄énè be kp̄ant̄id̄ent̄ob̄è kó yese, kè bet̄ob̄è nc̄īnni kè Kuyie mb̄è kp̄énk̄unne, kè b̄èe k̄pa nk̄éna be kp̄ant̄id̄ent̄ob̄è k̄ebet̄i. 35 Benitipòbè mabè do tá m̄èè kp̄í nKuyie ndeè do te kè k̄uu fouḡunne be c̄ē k̄obe.

Kè bet̄ob̄èe yie nkè b̄è mb̄è f̄ēũnko ke b̄è kòu bá b̄è í cokù b̄è tá m̄èè kp̄í nke d̄ò nKuyie mbo duó nkè

bèe yánté, kè kùu bè duó mmufòmmu pàmmù mùù wenni ke pḗḗté ti mè nfòù mù. ³⁶ Bè tá mèè kpéi nKuyie, ndèè do te kè bè mbè daú, kḗfḗũ mbetòbè, kéboú betòbè mēfīmmē kékpetínḡ, ³⁷ kḗbúótí betòbè yetárè kékuo, kési betòbè kéyarí, kénkòù betòbè nè yese kémbeti betòbè ke bè fḗũnko, kè bèe naá nyidawaá ndieyi, kḗndaati tibòkḗntì nè tipekḗntì. ³⁸ Kè bè mbè bètì be cḗi kè bè cokù ke taà yefòtè nè titādèntì. Kutenkù do í wenni ke dò mbèe na kḗmbo ku mièke.

³⁹ De kó benitìbè bemou bè do tá Kuyie nku kè kùu bè pénsirì. Nè memme kè bèe kúnè bá bè í yà Kuyie nyḗ nkù yóó dḗò dè. ⁴⁰ Kuyie ndòò dèmarè sàarè nde timou ti kpéi, kù í dḗ beè mādà ndè te, kù dḗ timou ti dè wḗnnḗmu.

12

Kuyie nti tiè nti kó mesàà nkḗi nke

¹ Ti yembè bèè do tá Kuyie mbè sūmu mediè nke í sénní. Kè dè dò mmemme ti dootóo dèè ti dítìnkò nè meyei mèè ti caati mecāã mmecāã kḗncokù ke wḗḗrì ke tũ nkuce Kuyie nti benke kù. ² Yóunè kè ti nkérí ke wetí Yesu wèè ti kpeté Kuyie nkó kuce, ò yóó ti teennḗmu kè tí tuòke kumànkù. Weè yie nke kú ifei kó mukũũ nkudapāātí ĩnkè ò do yḗ ò tati mḗmmē diwèi mièke. Di mmònnì ke kari Kuyie mbakù youú dikpààtikàri.

³ Wénténè benitiyeibe bèè í ò dḗ bè ò fḗũ mmèè botí, kè dèe yáúkunnē di kḗntì ké di duó mmuwḗrímú. ⁴ Di maùnḗmu meyei, di né mu nyí

mà ke tũ̀̀ke mukũũ. ⁵ Di báá yè nKuyie mbéi ntì ke tú:

Kè kù yṹ́ nha to,

a miéke báá peike

kè kù da tié nha yèmmè báá caàrè.

⁶ Kuyie nhõõ yṹ́ nkù dó wè kó ditoò ndi,

kétié nwèè tu ku biré.

⁷ Kè Kuyie ndi tiè ndí mmi. Di tú mèè kpéi nku bí

dèè te kè kù di tiè. We ndó o biré ke í ndè tiè? ⁸ Kuyie

ntièmmu bèè tu ku bí, kè kù í di tiè ndi tú ipocẽmbí

nyi. ⁹ Ti do dò nyibí kè ti yembè ti tièmmu, kè ti bè

dé. Ti dò nkényiémmu Kuyie nkpeti kè dèe pèèté ti

yembè kpèti. ¹⁰ Ti yembè do ti tiè mbè dó mèè botí

nku dimònni sám̀pó miéke, Kuyie nkuu me nti tiè

nti kó mesàà nképí nke, ke dó ti wenke kù wennimè.

¹¹ Kè bè da tiè ndè ò ndò ndè yóumu, kàa yie nha yà

dè kó mesàà nkàa borime nwenni kàa mmàke diwèi.

Ti bo nyémè ke báá yete Kuyie nkpeti

¹² Kpénkũnnenè tũ̀̀ké di baà ndèè ò̀̀te kétẽĩ ndi

nũ̀̀ nyèè bò̀̀tè. ¹³ Nkérínè kuce kù̀̀ èri, kè yecĩè

ntà̀̀ke d̀̀ke báá tute, ì pètìnke seíté.

¹⁴ Yetenko kénwanti kénnaatinè benitibè bemou,

kénwenni páíí. Kè dè í dò mmemme, di báá na káyà

Kuyie. ¹⁵ Nyénè kò̀̀ m̀̀u di miéke báá paa nhomàà

Kuyie nkó mesàà nke fekènfè tiifèe yè o miéke kè

fe d̀̀mmè caàrè betò̀̀bè. ¹⁶ Nyénè ke bá ndautinè

ditò̀̀bè, ò̀̀m̀̀u báá senkèrì Kuyie nkó kuce. Esayu do

dò̀̀d̀̀mè kéceetenè dicabuu Mpo ò̀̀ nte dè. ¹⁷ Ò̀̀ wè̀̀te ke

ndè dó dì̀̀ m̀̀nni kémbáá nhò̀̀ cice ke kuò̀̀ ndè me nyí

nyie.

18 Di í yà dekōmbòdorikperε Isidayεeribe do yà dè Sinaii tārì ìnkè, muhãã ndo cóu ndè kè kuyukú fī, kè dibìnnì bo nè fetaaafè kó kuyaaakù, 19 kè siheú kuò nkè Kuyie mpéú metammè, kè be kōmbùòtì duò, kè bè kù bàá nke tú kù ténke báá bè béinnè. 20 Ke yé bè do í namè kέτω dinùù Kuyie mbè nàké dì ke tú: Kòo nìtì yoo feòfè kàáké de kó ditārì bèε ò bùótí yetárè kέkuo. 21 Dè do do Mòyiisi kōmbùòtì nti kòo béi ke dò: Kufōwaá nkuù m pī nkè n kpeutí.

22 Díndi με nkàtení ditārì bè tu dindi Siyōō, Kuyie nkùù duò mmufòmmu ku εì, de kó diheì tu keñkè kóo Sedisademmu nwe, Kuyie ntōrè tikú dè péu ke yānku ke kù sántí. 23 Díndi wēnnénè Kuyie mbí ketiyì nyi, ìì yètè wàri keñkè. Ke tōōnnè Kuyie nkùù bekùnè benitìbè bεmou. Ke tōōnnè bèè wetí ke wenke páíí. 24 Ke wēnnénè Yesu wèè tàunko Kuyie nnè benitìbè, kòo yīī nti òúté ke ti cñenko. Mè í dōnnè Abεeri kōme mèè do dó kέpεite.

25 Dòònnè meyoòmmè, kékénté wèè di náánnè. Di bá ndōnnè Isidayεeribe, bèè do yete Kuyie nkpeti Mòyiisi bè nàá nti kè kùu bè poté. Kè bè do yete ku kpeti kè kùu bè poté, kè ti yete Yesu ò múnke yóó ti potému. Ti báá na kέyenténè Kuyie nkùù bo keñkè ke ti náánnènní. 26 Kù do náá nditārì Sinaii ìnkè kè ketenkè sántimu, ke ti náá nyíe nke tú kù yóó yíe sántèmu ketenkè nè keñkè. 27 De kó tináaànti benkú ke dò nKuyie ndòò dè yóó sántèmu kέpεēté, dèè í sánti kè dè nkpaá.

28 Kuù béi nke tú dèè kó dimàà í yóó sántè deè yó nkpaá, òmòù í yóó na késántè Kuyie nkó dikpààtìyuu. Ti sántímu Kuyie ndè kpéi nke kù bàá

nkù dó mèè botí ke kù dé. ²⁹ Ke yé ke dò nKuyie ndònnè muhāā mmu ke cóu ndemou.

13

Ti bo yīmè kè Kuyie nti pénsiri

¹ Nsokénè ke dó ditòbè, ke dò nteçĩètè tèmáà kòbe. ² Nyénè kénçóú beṗòòbè, bèmabè do me nhõ nkécóuté Kuyie ntòrè bá bè í yé ke dò nKuyie ntòrè nyè. ³ Nyénè tikpetínti kpéí, kéndò ndi bè wēnné ke kpetí. Ke nyé bè fēũnko bè kpéí, kéndò mbè wē nke di fēũnko.

⁴ Nyénè ke dò nKuyie nkuù ānné dipopuò, di í dò ntí ndi càari. Onitì nè o pokù bè nwetí betòbè. Kuyie nyóó bekénèmu bèè dauti dautinè betòbè nè bèè dautinè be pobè í tú bè yoo be daabè í tú bè.

⁵ Di báá yie nkéduó ndi yèmmè idíítí, dè ndi naati nè di mòke dè. Kuyie mbéimmu ke tú kù í yóó di yóu, kù í yóó di bantóo. ⁶ Dèè te bá wè kòo bo na kébéinnè dikōmbùò ke dò:

N Yiè nKuyie nni nkómmúmu,
n yí dé dèmarè,

onitì bo na ké n dòò ba?

⁷ Nyénè bèè do di ni, bèè di nàké Kuyie nnáànti kè di kù yíété be kpéí, nwéínè be borime do dòmmè kè bè yàa kúnè kéntá Kuyie mbè do kù tá mèè botí.

⁸ Yesu í ceeri, ò do dòmmè ò me ndò, ke yó mme ndò nsāā. ⁹ Di báá yie nkè itié nsóntíke kpeyi di fétinne, yóunè kè Kuyie ndi duó mmèè sàà ndi kpénkúnne. Di báá na kékpenke di baàtì mèè kpéí ndi yo ndè nè di ci dè. Dè kó ikuó botí í teénnè bèè ì tũ.

10 Ti məkemu ti kó diwũṣtònni. Ikuó nùbè bèè pĩ metaummè tou mieke mutōmmú bè báá na kédi dèè daké de kó diwũṣtònni ñnkè. 11 Bè do ṣṣ fié iwũṣ kè ikuó nùtì diewèe tannè meyĩ nyikuó nentì kó kufáá kémṳ Kuyie mmeyei ncíemmè, kè bèe yènnè imaa ndihèi mànkú nku kécú. 12 Dèè te kè Yesu ku dihèi mànkú, kòo yĩ nhòuté ti yei. 13 Ti kətenè o borè dihèi mànkú, kòd wènnénè kédi ifei ò di ì. 14 Ke yé ti í məkemè ketenkè kie ndihèi dìi yó mbo sáá, ti wanti dìi kraaní dindi, dìi yó mbo sáá.

15 Yóunè kè Yesu ti teennè, kè yesáá nti kù sántí yè, ndònnè iwũṣ bè do feu ì Kuyie, kè ti nkù sántí sáá. 16 Di né báá yóu di bo ndəorimè mesàà, di mpāā ndi kperε bèè kra, Kuyie ndó yeè pāre botí.

17 Nyíennè bèè di ni be kpeti, kéntũ mbe tié, bèè dàke di wèrè kpéi, ke yóó náké Kuyie mbè pĩ mùù tōmmú. Kè di yíé mbe kpeti bè bo mpĩ mbe tōmmú nè kuyèñnaatí. Kè dè í dò mmemme bè bo mmù pĩ nnè meyeñcaàrimè kè di paà mucóntimu.

18 Mbáánnè Kuyie nti kpéi, ti yému ke dò nti yèmmè í ti bekùnè tìmatì ñnkè. Ti dó kéndəori desààrè nde sáá. 19 Mbáánnè Kuyie n kpéi kè n na kékətoo bàmbà.

Mubáammu

20 Kuyie nkuù te kè ti Yiè nYesu yáñté, wèè ku kòo yĩ ndòò metaummè mèè yó mbo sáá, wèè di cēmmú opecēnti ḏ ncēmmúmè o pe. 21 Kuyie nkùù duò ndiwèi kù di teennè kè di ndəori mesàà nkù dó di ndəori mè, kù di teennè kè di ndəori dèè kù naati nè Yesu wèè deu ke yó mbo sáá o kó diyètìrì. Kè dè mme ndò.

Mudummu sammu

²² N kɔbe n di báámmu ke tú dí mmi nkékénté n di wàri tì náàntì, tì dɔke í deu. ²³ N kɔbe n dó ké di náké ke tú bè kpeté ti kou Timɔntee. Kòò tùòkení mecãã nti bo nei kékɔtoo ke di yà.

²⁴ Di dɔunko bèè di ni, kédɔunnè Kirisi kɔbe bemɔu, ti kɔbe Itadii kɔbe di dɔunko. ²⁵ Kuyie nkó mesàà nní ndi bonè dimɔu!

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 21 Apr 2023 from source files dated 1 Jun 2022

5e2d0f12-f1d8-567b-bf98-cf1de4599d16